

Candu luntanu s'è assai ti pensu  
E bistu pinsamentu è un gran consolu,  
Chi t'amu bedda d'un amori immensu  
Chi priu di te mi sentu troppu solu.

Fiori di rose

Diciu lu tò cori illa mè casa  
E la tò voci calda e melodiosa.

La luna s'è cuata sorridenti

E lu balconi toiu s'è oscuratu,

Oh fata bruna minni s'è andendi

Ti lassu lu mè cori inammuratu.

Fiori di malgerita

Riposa nà tranquilla lu mè fata

Unicu fiori tu di la mè vita.

GIORGANTINO.

P. Serra  
Tunzio



-MARI-INCANTADORI-

~~~~~

Mari, t'ammira pa la tò biddosa  
Tu sò piena di luci e di colori,  
Eu ricumescu illa tò grandosa  
L'omnipotensa di lu Criadori.

Pa li malii chi tu polti in sinu  
Miresci di chiamatti incantadori,  
Candu splendi lu soli, astru divinu  
A te m'attrai cun palpiti d'amori.

Cantani li sireni a notti piena  
Alauniosi, cun grandi fantasia,  
Fine lu cori chi s'agatta in pena  
Pidda palti cuntentu a l'alligria.

E li stelli chi briddani illu celi  
Ti facini graxiosa cumpagnia,  
Ridi la luna, a te sempri fideli  
Mari d'incantu, mari di poesia.



MUSA GALLURESE

AMICA MUSA

Candu nasoi la luna a l'orizonti  
E d'argenta diventa la marina,  
Amica Musa vicu la tò fronti  
Incurunata come una regina.

Tu chi mi strigni cu li tò cateni  
E chi cumosci dagna sintimentu,  
Allevia, tinni precu, li mè peni  
Gilea lu cori meu di fa cuntentu.

Candu la terra godi a primmaéra  
Punendi in mostra tutti li sò fiori,  
L'immensa mari poi giunta la sera  
È un cantu nostalgicu d'amori;

Candu lu rassicnelu innammuratu  
Intona la pih bedda sirinata  
Ed é un ammiru tuttu lu oriatu,  
Tandu ti pensu amica mea stinata

E poi ti dicu: Musa mea sinséra  
Ascolta lu mè cantu appassionatu,  
E tu chi bedda sé che palmaéra  
Cu lu tò amori fannu consulatù.